



UNIVERSITÄTS-
BIBLIOTHEK
PADERBORN

Sacrarvm Antiqvitatvm Monvmenta

Hillesheim, Ludwig

Antverpiæ, 1577

In Obitvm Clarissimi Lvdovici Hillessemii viri consularis.

[urn:nbn:de:hbz:466:1-68887](#)

IN OBITVM CLARISSIMI
LUDOVICI HILLESSEMII
viri consularis.

ERgo nostra tuis debetur nenia bustis
Tam citò, lugubris carminis obsequium?
Nec tibi iam toties sella sedisse curuli
Profuit, & patriæ consuluisse tue:
Nec tua cum pietate fides spectata clienti
Sæpè tuo, in duris ardua temporibus.
Naturæ facilis nec quicquam vena benignæ
Inuit, & ingenij tot monumenta tui,
Quo minus immature senex patriæq; tuisq;
Ante diem subitò flebilis occideres?
Scilicet hæc illa est mortalis linea vita,
In longum humanos quæ vetat ire dies.
Nil tamen effectum properantis ad ultima fati
Admorsu, demti nil nocuere dies:
Quæ res namq; fuit votorum summa tuorum;
Vinet ab exequiis inclita fama tuis.

EIVSDEM TUMVLVS.

SIC te dia potentia
Seruet perpetuum, sic tibi quisquis es.
Felicitè & amplius
Ex voto Superi tempora sspitent,
Pallentes violas pio
Et fragrans cineri spargito balsamum.
Hoc virtus tumulo iacet:
Hoc paruo pietas marmore clauditur:
Hoc saxo tegitur fides.
Heu mors improba, quid sidera deripis
Orbi? cur tenebræ placent?
An est omnibus hoc numine calitum

Decretum.

*Decretum pariter mori?
Nec Vates fluvios, legibus inferis,
Vitant irremeabiles?
Vates, qui Clario sub duce militant?
Hic noster memini quidem
Diuino quoties pollice barbiton
Vates mouerit auream:
Nunc est exigui portio pulueris.
Nunc vox conticuit pia,
Demulcens animos carmine amabili;
Exanguesq; rigent, boni
Heu quondam digiti tangere nablia;
Et conuulsa iacet chelys.
Sed que fata iubent, quosq; necessitat^e
Nodos implicant ultima,
Nec fas est homini soluere, si velit,
Nec si fata sinant roget:
Ut nec curriculo Gracia Olympico
Victori lacrymas dabat.
Neruos ille quidem corporis & cutem
Abiecit, spolium graue:
Qualis qua tenero vulnere concidit
Languescit moriens rosa.
Verum non moritur, quem super athera
Immixtum Superis legunt,
Atque illinc populi ingiter audiunt,
Quos vel Sol oriens videt,
Vel quos occiduo ab limite conspicit
Condens Oceano caput.
Mors est ingenii nulla perennibus.*

CATALOGO